

國朝詩人徵略

國朝詩人徵略卷二十六

番禺張維屏子樹輯

劉統勳

字延清號爾鈍山東諸城人雍正二年進士官至大學士贈太傅諡文正有劉文正公集

延清彊直厲清節乾隆六年授左都御史奏言尙書公訥親一人之身兼理數處屬官旣奔走恐後同僚亦避其鋒銳部中議覆事件或輾轉駁詰或過目不畱出一言而勢在必行定一稿而限逾積日殆非懷謙集益推賢讓能之道宜加

訓示俾圖省改其所管事務量行酌減免曠廢之虞又言

大學士張廷玉子姓宗族及姻黨占仕籍者至數十人宜量加裁抑三年內停其遷轉以保全之奉

旨下部查議並如所請

測海集

公光明正直燭照先幾事之可否微發其端至一二十年後始服其精識士有賢不肖亦洞見其將來內外臣工無不仰其剛果而情意肫然不欲過爲嚴峻六旬後人夜秉燭危坐至二三更許窗外偶有聲響無不悉聞臨終之日五更起盥洗飲食如常升輿至東華門外輿微側家人呼之不應啓

帷視之則已悞矣

上親臨其喪見室無長物蕭條枯槁寒氣襲人深爲嘆息

賜謚文正不待禮臣議請也

湖海詩傳

摘句

月川晴理檣花塢夜攤書

每以虛懷參衆論幸因先達識詞源

奇探昌谷囊中句妙聽成連海上琴

彭啓豐

字翰文號芝庭江南長洲人雍正五年

賜進士第一人官至兵部尙書有芝庭詩藁

乙酉七月

召對詢及鄉試應裁去官卷否謹對官卷業經裁額不爲  
濫觴若混入民卷恐開徇情之端有妨孤寒進路

仍宜照舊

之庭自  
訂年譜

詔許近臣得奏進經史講義府君前後所上多切于治體  
嘗論月令行爵出祿必當其位所以使之當位者  
有三一曰尊宰輔以崇其體二曰卹羣臣以達其  
情三曰久任使以專其職又言不獨臺諫官當責  
以盡言卽翰林曹郎亦宜分班條奏又言人之才  
器不能相假故虞廷諸臣兵農禮樂各有專司儻  
甫履其地旋改而之他卽以政務必茫然莫辨況

民社之官責成非細宜仿古者增秩賜金之制俾

人與官相習庶明作有功之效可得而幾也

二林居集

摘句 楊柳春風江上權杏花細雨酒家樓

疎風影動林梢月宿雨涼生檻外山

三徑杜門高士跡扁舟訪舊故人心

漁唱數聲初出港樵風兩岬送歸船

張鵬翀

字天扉號南華江南嘉定人雍正五年進士官詹

事有南華詩集

鵬翀詩才敏捷义手擊鉢頃刻卽成官侍講日進

經史法戒詩五十章寓規於頌

上嘉納焉兼工畫自繪春林澹靄圖題絕句六首進呈

上和其韻

春融堂集

南華在朝房和湯圓詩云甘白俱能受升沉總不

驚張文敏曰不料倉卒先生猶能自見身分

兩村詩話

摘句 晉獻惑嬖妾優施教驪姬分明置堊毒乃

謂愛我爲

神君未下鬼先集世上烏有神仙哉

楊錫紱

字方來號蘭畹江西清江人雍正五年進士官至

兵部尙書諡勤愨有四知堂集

旂丁向苦運官括索方來督漕盡除宿弊運官斂

手奉法旂丁感之建生祠於淮上

訓海集

先生督漕體恤旂丁及押運各官纖埃不染使得

過行數十年來論漕政者必舉先生第一

訓海詩傳

摘句 蠅聲經露濕月影渡波涼

倦遊客類還飛鳥出閫舟如脫餌魚

剛有流光能自照已忘腐草是前身

詠螢

梁詩正

字養仲號薌林浙江錢塘人雍正八年



賜進士第三人官至大學士贈太保諡文莊有矢音集

公五歲始能言既成進士由詞臣入

內廷吏部掌銓政爲六官長而掌院所屬係文學侍  
從之臣內閣職典絲綸皆京僚極清要地公兼領  
數年王公際華戲謂曰公可謂三清居士矣新建  
裘公曰修笑曰兼以

上書房

南書房則五清也其爲同官傾慕如此公常言往在  
上書房爲

上作壁窠大字適

皇帝駕至諸臣鵠立以俟

憲皇帝命作書墨漬於袖又

命

今上曳之今弄此衣三十年矣他時服以就木庶存沒志

君恩也卒如其言

春融堂集

公和

御製詩每逢劇韻必蒙

嘉獎予異之公曰昔蘇文忠公善次韻每遇艱險處恆以

譬喻出之是以信手驅駕毫無窒礙吾窺得此秘

故能游行自在天然湊泊耳

湖海詩傳

摘句 倚檻翠飛千頃浪開簾晴裊半窗烟

說詩客每勞前席問字人多到後堂

### 曹一士

字諤庭號濟寰江南上海人雍正八年進士官兵科給事中有四焉齋集

其詩集附載梯仙閣餘課爲一士繼室陸氏鳳池作又拂珠樓偶鈔一士之女錫珪所作

提要四庫

公爲御史疏言小人往往挾睚眦之怨借影響之詞攻訐詩書指摘字句臣伏讀

皇上諭旨凡奏疏中從前避忌之事一槩掃除仰見

聖明廓然大度臣竊謂大廷之章奏尙相忌諱在野之筆

札焉用吹求請

勅下直省嗣後凡有舉首文字者苟無的確踪跡以所告

本人之罪依律反坐以爲挾仇誣告者戒

鮎琦亭集

又言牧民之更有賢有能不可偏廢今督撫薦舉  
往往舍賢而尙能故明作有功之意多惇大成裕

之意少

測海集

摘句 有明盛壇坫七子互騰驤牛耳執王李才

高氣愈揚仰觀高秦漢俯窺藐宋唐震川  
老舉子茅屋荒江旁言招故生徒講學稱

先王勢燄固不敵名聲詎相當云何百世  
下中天吐寒芒

商盤

字寶意號蒼雨浙江會稽人雍正八年進士官順  
寧府知府有質園詩集

君英雋蕩儻美鬚髯工談笑彈絲振竹妙得神解  
詩上仿四傑下仿元白

春融堂集

寶意胸羅玉筍筆有錦機本以詞林乞爲郡佐久  
居白下饒有閑情常得趙姬小憐解碧玉連環爲  
贈易名環娘以中秋夕扁舟載之未幾玉墮蘭摧

悼亡屢賦如鬢影憶簪花第一眉痕怕見月初三  
舊居鸚鵡曾呼我斷帶鴛鴦欲付誰誰與修書添  
半臂欲煩妙筆畫全身皆令人欲喚奈何湖海詩傳  
標題 友人索觀近咏賦答五古 八蠻進貢圖七古  
摘句 風入雙鵬勁雲屯萬馬齊

恐是玉簫償宿債偶從錦瑟感年華  
名心未了難遺世晚景無多怕受恩  
明知愛惜終須改但得流傳不在多

陳兆崙

字星齋號句山浙江錢塘人雍正八年進士乾隆

元年

召試博學鴻詞官通政使有紫竹山房詩文集

星齋有承明著作之才庚戌成進士觀政海疆非

其好也益發爲詩歌以自灑濯

榕城詩話

星齋先生成進士後重入宏詞洊登卿寺侍直

上書房兼尹京兆而意致蕭散有山澤間儀

湖海詩傳

星齋先生居京師士大夫奉爲文章宗匠嘗自言

吾書法第一文次之

兩浙輟軒錄

凡爲文初屬稿不能無病要在痛自割愛治而去

之耳

紫竹山房文稿

文生於情而文足以達情者莫過於詩言情之詩  
又莫善於近體篇止五十餘字境窄則難以旋身  
韻忌用險怪字字少則難以副意有能稱意以出  
旋身自如而又兼節奏之妙如古之作者落落不  
過數人七言律之難如此

同上

星齋先生論書有云唐拘於法宋取意晉韻千秋  
竟誰辨於唐言法於宋言意於晉言韻是真得書  
家三昧者先生又嘗論

本朝書家首推何義門次則姜西溟趙大鯨似屬偏  
嗜以愚見言之當以王文安

鐸

劉文清

鼎

爲最次



則張文敏照陳香泉奕禧汪退谷士鎡然張陳汪

皆不及王劉二公之厚王猶依傍古人劉則厚而  
能脫入乎古人而出乎古人其晚年妙境蓋先生

已歸道山不及見矣

松軒  
隨筆

先生生平畢竟以時文爲第一推闡名理包羅史  
事宣達物情自成一子不當作時文觀也

同上

摘句 秋似美人無礙瘦山如好友不嫌多

文章聲價憑他日山水遭逢在此時

中年斷欲衰偏早瘦骨支寒痛漸生

林蒲封

字鼇洲廣東東莞人雍正八年進士官翰林院侍  
讀學士有鼇洲詩文集

蒲封經術湛深天文律呂醫卜諸書靡不窮究尤  
工書法官侍從者二十年性恥奔競退食之暇閉  
戶著述蕭然如寒素嘗採唐魏徵十思十漸李德  
裕丹扈六箴宋司馬光五規括其大意作保業惜  
時遠謀重微務實五箴以獻屢和

御詩稱

旨纂修

國史敏練精勤凡有舛誤侃侃正論編纂

皇清文穎校刊經史三通無不精當樂施子俸餘悉以  
周親族疊奉分校北闈督學江西之

命

帝眷方隆而蒲封適遘疾卒

命馳驛歸葬著有讀史錄十四卷

廣東通志

標題

尤日平山堂登高

七古

摘句 三獻出美玉百鍊成精金從來名哲流所

歷多崎嶇乃知憂與患天以啓乃心

豪氣未除應理遣古人雖往可神交

豹皮有志名空在馬革能歸事豈同

袁大司馬

何夢瑤

字報之號西他廣東南海人雍正八年進士官奉  
天遼陽州有菊芳園詩鈔

廢和錄何夢瑤撰是書恭錄

聖祖仁皇帝律呂正義爲述要上下二卷又以所纂蔡氏

律呂新書訓釋曹庭棟琴學纂要附下卷

四庫提要

夢瑤出宰廣西治獄明愼宿弊革除有神君之稱  
富於著述旁通百家而尤以詩名有菊芳園詩鈔  
文鈔莊子故皇極經世易知錄廢和錄醫編紺山  
醫案算法迪三角輯要移橙餘話宰岑溪時大吏

將以鴻博薦辭不赴

廣東通志

西池先生以博雅著凡天文術數樂律算法醫學無不究心爲督學元和惠公所愛重晚年與杭堇浦耿湘門兩先生交契朋樽談醺酬唱極歡其生平論詩謂青蓮獨擅千古子美未應齊名則近於

翻新好奇矣

聽松廬詩話

標題

雜詩

五古第一首至第五首

杭太史見和長篇次

韻再寄

五古

摘句

馬頭迎吠犬牛背立昏鴉

叢祠森鬼氣老樹聳人形

古詞三婦豔新月兩頭纖

夢去只如雲出岫魂來恰似月烘牆

九京容我尋高士三疾如公是古民

李子長墓

泥封春雪無人跡風掃殘花有鶴痕

苔

卻被紫陽書作盜不知曹豫定何名

詠史

綱目荆軻書盜似未平允劉海峰袁簡齋皆有論而西池此詩在劉袁之先

英廉

字計六號夢堂漢軍人雍正十年舉人官至大學

士諡文肅有夢堂詩稿

相國初通籍時雅嗜芸緇尤敦車笠與鴈樊榭吳

樸庭符幼魯查蓮坡爲酬和友詩壇酒社翰墨飛  
騰旣而職長六曹殫心時務或舉舊稿爲言輒遜  
語謝之先是定制大學士滿漢各二人及于文襄  
公歿時方爲戶部尙書滿缺

上以其祖籍遼陽本馮姓漢軍人協辦有年

命踐文襄之席蓋鹽梅之用早厯

聖心故不拘常格卽司台鼎云

湖海詩傳

鳴泉赴壑脫葉隨水空山無人明月欲洗此夢堂  
相國詩也清妙不減坡公水流花開之語

聽松廬詩話

標題 桃花寺

五古

淨業湖

五古

輓轡謠

七古

摘句

孤篷回遠夢小雨續春寒

晚花閒似客新月淡依人

野店人談虎荒墳客讀碑

風定有禽語雪消添水聲

忙中未廢閒中趣醒後重刪醉後詩

平蕪淨綠逢邨斷深樹殘紅墮石欹

流鶯坐樹雜花發乳鴨漾波新水生

鶴如相識來看客月不須邀自到門

深谷林蘿山鬼伏古祠風雨社神歸

河斷久成無定水天空全響不周風



勁笋穿籬斜長竹弱藤貼地臥開花  
老去又嘗新臘酒病來遲答故人書

馬樸臣

字相如江南桐城人雍正十年舉人官中書

相如才氣豪邁與方南堂貞觀爲石交詞科掌錄

相如年五十始登賢書薦試鴻博不遇國朝名

摘句 不爭魚得失只愛傍桃花漁父

月影分明三李白水光蕩漾百東坡

鄂容安

字休如號虛亭滿洲人雍正十一年進士官至兩

江總督加太子少傅襲三等襄勤伯爵殉節伊  
諡剛烈祀昭忠祠

公自兩江總督

召赴西陲以八日夜馳抵京師既入

見還至兵部不歸家相國夫人就見之一慟而別及其

賜諡也閣臣謂公由詞館出身擬文烈文剛以進

上抹二文字取剛烈二字合之蓋

聖主深知其忠義果決故不拘常例如此

春融堂集

摘句 萬山遶行客一水隔相思

曙光銷燭影風力碎禽聲

詩情入長夜酒味近重陽

邨藏翠竹千重出江轉青山四面來

常爲行脚東西客今是平頭四十人

深水魚龍淺水石近山松竹遠山雲

### 桑調元

字伊佐一字弢甫浙江錢塘人雍正十一年進士  
官工部主事有弢甫集

調元詩文縱橫排奐擺落蹊徑毅然自爲一家而  
恃其才學不主故常蒙而失之怒張博而失之蔓  
衍者亦時有之作鎮海樓詩至七言長律二百韻

古人無是格也其所以長卽其所以短乎

四庫提要

摘句 問君何所憂所憂不在飢不在寒不在七

尺埋置塵沙端亦不在家山萬里雲漫漫

是時首夏當純乾一陰欲進方磐桓快心

一夬忽復姤排之不得空長歎

梅莊學  
易圖

張湄

字鷺洲號南漪一字柳漁浙江錢塘人雍正十二

年進士官兵科給事中有柳漁詩鈔

柳漁居官臺諫頗著風節辛未歲

聖駕南巡因念西湖塚墓纍纍恐有司經理未宜於

鑾輅不經之處悉遷徙紛更乃奏請

恩諭着地方官善於經理以仰體澤及枯骨之意疏入

上嘉納焉

兩浙輟軒錄

摘句 孤客有懷皆黯淡暫歸如夢未分明

願教鄉信如花信歲報平安廿四番

夏之蓉

字芙裳號醴谷江南高郵人雍正十一年進士乾

隆元年

召試博學鴻詞官檢討有半舫齋集

芙裳虛衷樂善出乎天性于己不諱其所短于人

務盡其所長年八十八卒于家

淮海英靈集

集中有三不可忽詩自註云孝感先生謂天下無可忽之人世間無可忽之事此生無可忽之言作此以代書紳孝感先生蓋熊文端公也

聽松廬詩話

摘句 不用則爲鼠用之則爲彪誰謂風塵中竟

無公與侯

濁酒慣邀今舊雨名山盡入短長吟

周宣猷

字辰遠湖南長沙人雍正十一年進士官鹽運使

分司有雪舫詩鈔

宣猷所著有史斷史記難字南北史四庫提要

雪舫長沙名族詩得大歷十子之遺湖海詩傳

摘句 小憩得草坪欹斜幾椽屋瓦盆野蔬鮮酒

旆村酤熟醺鼠快飲河一飽時已足常山

常山至玉山每飯於草坪余自丁卯迄辛巳凡八經此誦此詩不勝草草勞人之感

江湖生遠夢琴筑在高樓

帆隨峰影轉月趁櫂歌圓

何如濠

字建則號澹泉廣東南海人雍正十一年進士官

知縣

任冠氏縣舊有枯河前令塞之冠民始病如隘到  
官請開復民賴以安在新鄭遇抽撥驛騎協築堤  
工諸役悉以自任毫不擾民解綬歸教授負笈之  
士接踵著有自得錄讀易日鈔

廣東通志

摘句

三夜頻夢歸慈幃髮催催曰汝歸來乎行

役將無殆醒來天一隅怵怵使心痾薄宦  
違色笑此實兒之罪吾聞古人云雞豚逮  
親在三公不以易矧茲百里宰

韓海

字緯五號橋邨廣東番禺人雍正十一年進士官



教諭有東皋詩文集

海性孤介授徒富人家以坐位小失拂衣歸至乏  
食無悔鴻博之舉當事欲薦海令賦夏蓮詩有欲  
待移根歸太液須尋十丈藕如船之句當事知其  
意乃不果薦

廣東通志

摘句 顧影盡一斗陶鎔還天真香風排闥來梅

花吾故人

樹密不知雨谿深微覺寒夾天松影濕到  
地葉聲乾

人歸秋水渡鴉點夕陽村

香流半堂磬衣卸一身雲

帝里樂原輪故國宮袍榮總遜斑衣

只應佛火無今古但有梅花未寂寥

秋色半空人獨立夕陽前路翠初沉

晒網遠潮迎日早捲篷明月得天多

漁父

彭端淑

字樂齋四川丹稜人雍正十一年進士官廣東肇

羅道有白鶴堂集

樂齋德器從容涵養純粹梁文定公尤稱之

湖海詩傳

次肇洙次遵泗皆由庶常起家世稱三彭

兩村詩話

摘句 磴道蟠蒼穹數騎自雲出危石千仞懸飛

湍百丈溢紆迴仗木欄摧頽勢難必偶然

一俯首不寒體自慄

大士  
崇

國朝詩人徵略卷二十七

番禺張維屏子樹輯

劉大櫟

字才甫號海峰江南桐城人貢生官敎諭有海峰詩文集

海峰生而好學當康熙末方侍郎苞名大重於京師見海峰大奇之語人曰如苞何足言吾同里劉大櫟乃今世韓歐才也自是天下皆聞劉海峰然自康熙至乾隆數十年應順天府試兩登副榜終不得舉乾隆元年舉博學鴻詞十五年舉經學皆

不錄用朝官提督學政者率邀之閱文因歷天下  
佳山水爲歌詩自發其意年逾六十得黟縣教諭  
又數年歸樅陽不復出卒年八十三

惜抱軒文集

方侍郎少時嘗作詩以示海寧查侍郎慎行查侍  
郎曰君詩不能佳徒奪爲文力不如專爲文方侍  
郎從之終身未嘗作詩至海峰則文與詩並極其  
力能包括古人之異體鎔以成其體雄豪與祕靡  
斥出之豈非其才之絕出今古者哉

同上

吳文恪公有贈劉生詩云生名大樾其姓劉意氣  
橫絕凌九州邂逅執禮以業投蒙莊混養無繆悠

閒仿韓柳勁以適詩賦峭蒨窮瑯搜此才疊疊信

寘儔云云

詞科掌錄

劉海峰曰舉天下之無味而辛苦齧其口未有如烟草者也自萬歷之季閩人一食之至於今而天下之人無貴賤賢愚鮮不甘而嗜之

見海峰集  
慎始論

夫

烟草無甚害於人而海峰已怪夫嗜之者之衆詎知淡巴菰之後又有所謂阿芙蓉者能使人食而嗜之既嗜之雖欲不食而有所不能且一日不食而其人已如疾病在身而形神爲之不安較之飢渴而有甚是物之害人如此而數十年來天下之

嗜之者日以眾雖才智之士或不免焉有司屢奉  
旨嚴禁其來而仍未能絕且聞內地禁之嚴其夷船以  
此物來者輒於海上交易而漁利之徒亦潛於海  
上購之以轉販於四處夫以養人之財易此害人  
之物而流毒未知所底止此亦有心者所爲扼腕  
太息者也

聽松廬  
文鈔

海峰先生古文喜學莊子尤欲力追昌黎詩格亦  
高五言古益多可味方望溪侍郎盛稱其文其詩

遂爲古文所掩耳

聽松廬  
詩話

標題

姚南青寓齋信宿却寄

五古

飲酒五首

五古

借酒

五古

北齊校書圖

七古

摘句

凡物有本性易地不相宜

夜聞雨聲喧曉望皆春水

花天共濁醪月地連幽步

紅樹映青山依依見茅舍荒水曲籬間人

牛各休暇

烟寒漁火稀月落江光白曠野悄無人孤

舟獨歸客

松葉忽成韻嶺雲無定姿

薄雲疎過雨深樹亂鳴蟬



日邊雙鳥白霞外一天青

學業牛蹄水人情馬耳風

路經水折山迴處人在飄風驟雨間

江聲夜雨增悲壯海色朝霞接混茫

盡將六代興亡淚流入秦淮作暮潮

紅映桃花青拂柳洗粧樓外過清明

### 胡天游

字稚威號雲持浙江山陰人貢生有石笥山房集

胡天游榜姓方浙江北直雨中副榜

越風

天游有異才于書無所不窺乾隆初舉博學鴻儒

天游以鄉副貢應

詔四方文士雲集每稠人廣座天游輒數千言落紙如飛  
文成輿博見者嗟服天游於文工四六得唐燕許  
二公之遺詩亦雄健有氣一統志成當進

御鄂張相國屬表於齊檢討召南檢討因推天游鄂相國  
驚歎其文欲招之檢討曰天游奇士豈可招耶卒  
不至居京師十餘年名日以盛忌日以深歲辛未  
舉經明行修卒爲忌者中傷而罷嘗與山西田侍  
郎懋有舊因往依之卒於蒲州年六十三  
稚威己酉副榜貢生禮部尙書溧陽任公所薦其

朱梅崖  
文集

座主也藻耀高翔才名爲詞科中第一所作若文  
種廟銘靈濟廟碑安頤先生碑任御史趙總兵兩  
墓志遜國名臣贊序柯西石宕記皆天下奇作雖  
李文饒權載之執筆不能過也以持服不與試丁  
巳補考鼻血大作納卷而出

詞科  
掌錄

稚威修志太原病太守周西鯨來視稚威拱手曰  
公來甚佳別矣卽瞑氣縷縷若騰煙須臾張目曰  
不能不再生人間爲南人乎爲北人乎公爲籌之  
周泣下曰南人歸南曰然遂氣絕

小倉山  
房文集

人之不朽在立德立功立言然有德與功而無文

字紀載之亦湮沒耳是立德立功仍賴有立言者  
乃能傳於後世也胡稚威曰古今人皆死惟能文  
章者不死雖有聖賢豪傑離文章則其人皆死此  
文章指凡有著述而言稚威此言雖不免有鋒鋟

然論實警快

松軒  
隨筆

稚威先生自言所作當在儲畫山方望溪李穆堂  
三人之上先生生平駢體文最長而三人所長不  
在駢體先生必舉而相較者蓋以三人一江蘇一  
安徽一江西皆同時負文學重名故欲駕而上之  
其平日負氣不肯下人卽此可見上同

標題

女李三行

古五

唐浯溪中興頌

古七

石鼓

文

古七

畫桃源行

古七

漢杜陵五鳳銅行

燈檠歌

古七

摘句

星斗春天濕魚龍夜氣高

天隨秋在野風與日爭明

人將秋共瘦詩更瘦于人

英雄事去山河在豎子名成燕雀忙

千霄虎氣朝騰阜流水魚腸夜出關

姑蘇

無數行人無數柳一分秋色一分波

潯橋

寒窺裘典仍欺客夢怕鐘催不戀人

蛙爲官鳴時傍路蝶忘春謝俗尋花

劉綸

字沓涵號繩菴江南武進人廩生乾隆元年

召試博學鴻詞第一官至大學士謚文定有繩菴內外集

雍正十一年

詔舉鴻博至乾隆元年合內外所舉凡二百七十六人試

授館職者十五人一等五名二等十名武進劉綸

爲之冠二年丁巳補試復得萬松齡等四人

詞科掌錄

禮部侍郎張廷璐舉三人劉綸劉鳴鶴陸桂馨

同上

召試博學宏詞詩題是山雞舞鏡七排十二韻限山字劉

文定公有句云可能對語便關關

上深嘉獎親拔爲第一遂以編修致身宰相

隨園詩話

文定謙和公謹以清修自厲少在尹文端公幕府  
得其指授繼以鴻博入翰林汪文端公愛其才兼  
重其度晚年尤與劉文正公相得予嘗以要事繕  
奏稿夜半詣公請閱公起黹燭操筆點定時仲冬  
寒甚公呼三公子具酒脯而廚傳已空僅有白棗  
十餘枚以侑酒公亦自嘆儉陋爲可哂也  
劉文定爲詞章取裁文選暇則手自標識  
劉文定公衡文嘗言佳卷多至溢額始難在取繼

湖海詩傳

師友淵源錄

難在去較量進退每至夜分人勸節勞公曰卷之  
佳兄弟也一去取間於我甚易獨不爲士子計乎  
嗚呼公用心之勤如此卽被棄者可無恨矣松軒  
隨筆  
杭堇浦太史詞科掌錄備載薦舉博學鴻詞諸人  
姓氏爵里而閱卷大臣姓名未見載入究不知是  
科閱卷爲何人後讀沈文愨公自訂年譜乃知閱  
卷者爲鄂文端爾泰張文和廷玉二相公少宰邵  
基同上

標題

碑洞

五古

謁華陰廟

七古

摘句

陣圖聚米三邊地賦版流沙半壁天



每因廣坐論功日重溯陰山轉戰年

一窩風月有真樂兩戶乾坤非小儒

安樂窩

十里好詩收客店九秋真畫出田家

曉風只解吹殘月不送才人過馬當

沈廷芳

字晚叔號椒園浙江仁和人乾隆元年

召試博學鴻詞官山東按察使有隱拙齋集

十三經註疏正字沈廷芳撰是書每條標其本句而疏其譌誤於下參稽衆本考驗六書訂刊版之舛譌祛經生之疑似註疏有功於聖經此書更有

功於註疏

四庫提要

廷芳詩學出於查慎行古文之學出於方苞

同上

椒園爲臬使時嘗欲以湯文正公斌崇祀兩廡事

雖不行士論韙之

湖海詩傳

標題

登泰山歌

七古

摘句

涼生荷芰野人服秋滿竹林居士家

山峰雨後都成髻湖水春來欲到田

齊召南

字次風號瓊臺浙江天台人貢生乾隆元年

召試博學鴻詞官至禮部侍郎有賜硯堂詩

水道提綱齊召南撰通津所注往往袤延數千里不可限以疆域召南所敘不以郡邑爲分惟以巨川爲綱而以所會衆流爲目故曰提綱其源流分合方隅曲折則統以今日水道爲主不屑屑附會於古義而沿革同異亦卽互見於其閒

提要四庫

公幼稱神童十二歲登巾子山吟五言云江水連天白人煙滿地浮巾山山上眺一覽小東甌識者卽以公輔器相目雍正己酉中副車舉博學鴻詞改翰林院庶吉士充

大清一統志纂修官授檢討戊辰會試同考官試竣

命在國書房行走

御試翰詹官一等一名授禮部右侍郎

上於寧古塔得古鏡公具悉原委并及款識

上諭左右曰是不愧博學鴻詞矣西苑侍班

御射十九矢皆中的

上顧尙書蔣溥與公曰不可無詩公於翼日進詩四首

上卽俯和十四年四月自

圓明園歸澄懷園甫及門馬驚墮觸大石負重傷

上卽賜藥傳蒙古醫療治病少定

天語屢次垂問陳懇解職回籍省侍老母及抵家太夫人

適患疾臥牀聞公至勿藥而愈主敷文書院凡十  
一年獎勵後進因材而篤晚喜集句李杜韓蘇若  
出一手

道古堂  
文集

公謂余曰吾墜馬腦髓迸流神魂飛越蒙古神醫  
亟以牛腦實之卽用生牛冒首使真氣聚而不洩  
三月而能起立然記性頓減前後如兩人

見亭  
詩話

先生瞳人極小能遠視與紫坪登山見江舡先生  
辨舟中幾人服某某色杯竿壺觴之屬歷歷可數  
下山至泊所則所視皆不爽先生清晨望雲能尋  
其根云彷彿如絲繫于山隨所尋挖之得雲根石

多花草鳥篆形尤異者一石具先生名字

茶餘客話

先生未遇時夢于忠肅曰景泰帝易儲事吾嘗具  
疏力諫不從後人不知遂妄加疑議今皇史宬中  
吾疏具在公他日當檢出示人以雪吾冤先生修  
明史綱目親至皇史宬徧覓忠肅奏疏卒不得後  
餘姚邵進士晉涵預分纂之任親到皇史宬求忠  
肅疏亦不得但檢得明時通政使進本檔冊載景  
泰某年某月日子某一本爲太子事此卽忠肅具

疏力諫之明證

碧谿詩話

摘句

同時或見輕閱世轉崇敬

睡鄉鄰醉鄉太古相傳久跌坐遊華胥至

人或捧手

午窗坐睡畫寢令人神昏惟坐睡片時最能養神

親承文景昇平業開闢唐虞未有天到底

英雄晚能悔輪臺一詔是神仙

漢武帝

未賞子魚安宋國偏憎叔武及元咍忠泉

有水皆成碧噩夢隨人尙說冤

憐忠祠忠肅見夢

陳撰

字楞山號玉几浙江鄞縣人有繡鉢集玉几集

撰以書畫遊江淮詩雖未及古要能離俗

四庫提要

通政寧夏趙公祭告南鎮聞其名薦于

朝辭不赴有謝啓極工

詞科掌錄

摘句 泥深黏屐重雲濕帶林昏

兩時茶板伊蒲饌一樹梅花貝葉書

詩卷白頭悲舊雨燭花紅淚滴秋堂

陳黃中

字和叔號東莊江南吳縣人諸生有東莊遺集

和叔爲學長于史應博學鴻詞科不遇乃客遊漕

督顧公湖督孫公閩撫王公先後聘主章奏居常

恨宋史蕪雜是非混按討先正舊聞刪其繁折其

中成宋史橐一百七十卷又著新唐書刊誤



國朝謚法考殿閣部院年表督撫年表十餘卷

二林居集

摘句 手倦持黃嬾吟愁和白華

納納乾坤懷管樂滔滔江漢憶曹劉

尙廷楓

字嶽師江西新建人官戶部主事

嶽師原籍陝西以父潞浙江提督廕任戶部主事

詩骨清曠故是逸才臨川李侍郎亟言干副憲孫

公遂列薦牘

詞科掌錄

摘句 月帶一星行

四野夕陽羣鳥散萬山秋草一人歸

堪歎困車多鶴脰頓憐求鼓失麟皮  
三徑綠苔人別處一江紅樹雁來時

符曾

字幼魯號藥林浙江錢塘人官郎中有春鳬小稿  
宏詞爲刑部侍郎厲公所薦詩章脫手清便氣韻

尤高陳楞山以爲如春在花如意在琴

詞科掌錄

摘句 寒雲添暝色老屋聚秋聲

秋山到晚露全骨涼月伴人成苦吟

三日不來秋滿地蛩聲如雨落空山

趙昱

字功千號谷林浙江仁和人貢生有愛日堂集

臨川李公聞其才且賢薦之功千雅詠溫恭築春

草園有池館之勝異本書近數萬卷

詞科掌錄

摘句 水色侵露氣結此人境清

自笑蠹魚偏食字更憐蝶夢不離花

沈冰壺

字清玉號梅史浙江山陰人貢生有抗言在昔集

其學識頗爲拔俗而有意示高或流於誕

四庫提要

冰壺擬古樂府一卷桑垸甫攜入都以是知名得

膺薦牘

詞科掌錄

摘句

搔頭弄姿誣李固瞋瞋千載人不悟何小叔

永王謀反出附會王不能明白何怪同爲

上皇臣同輔上皇子鄴侯爲名佐太白坎

凜死所遭幸不幸二李天淵懸若此

夜郎歎

仙不能救佛豈能阨

崔司徒

汪沆

字西顥號槐塘浙江錢塘人諸生有槐塘集

少從樊榭厲君學得其詩法博極羣書

詞科掌錄

沆事親孝昆弟未嘗析箸迎養寡姊惠周戚黨前

後葬三十餘棺喜引翼後進年八十一卒

杭州府志

摘句 牆陰剩雪留虛白  
簾底疎梅破冷紅

晚山青向樹頭出  
疎雨響從蘆外來

### 方觀承

字宜田號問亭江南桐城人由監生保舉加中書  
銜官至直隸總督諡恪敏有問亭集

公之祖工部主事諱登嶧考中書舍人諱式濟皆  
以文字累謫黑龍江公歲往來塞內外營菽水之  
奉於其間厲志氣勤學問徧知天下利病人情風  
俗所當設施平郡王福彭嘗知之雍正十年郡王  
爲定邊大將軍征準噶爾卽奏爲書記

詔賜中書銜以往在軍營建築善歸補中書舍人乾隆初  
入軍機處累遷吏部郎中出爲直隸清河道乾隆  
十四年遂授直隸總督公性明於用人一見與語  
卽能知才所堪任若周元理李湖等凡十餘人皆  
宿所拔於守令丞尉中者也直隸之永定河故無  
定河也其遷移靡常公洞徹地勢相時決機於河  
務前後數十疏從之輒利公素勤於學工爲詩及  
書嘗舉博學鴻詞以平郡王監試嫌避不試嘗偕  
秦文恭公輯五禮通考所著直隸河渠書百三卷  
詩集十三卷其餘雜記直隸事又數十卷公五十

未有子撫浙時使人於江寧買一女子公女兄弟  
送之至杭州擇日將納矣公至女兄弟所見詩冊  
有相知名問知此女所攜其祖父作也公曰吾少  
時與此女祖以詩相知安得納其孫女乎卽還其  
家助貲嫁之公年六十一矣今吳太夫人乃生子  
維甸今復爲尙書總督繼公後

惜抱軒文集

恪敏公未遇時備極流離清涼寺僧中州知爲偉

人時周恤之公贈詩云須知世上逃名易只有城

中乞食難後官制府重建清涼寺

隨園詩話

方恪敏公中歲懋膺

窮海權封圻人皆羨其榮遇不知其早年隨侍重關  
嶺  
峴塞外所謂苦其心志勞其筋骨蓋有人所難堪  
者公事親孝兄弟友愛尤篤余讀其塞上憶兄詩  
有云麻衣萬里呼天淚凍雪千山負米心令人不

覺愀然動容也

聽松壚詩話

方恪敏公詩有云造

膝幾人容抱子

眷懷昨歲

詔迎醫自註云攜耆兒至

御前蒙



親解佩包以賜又蒙

恩命御醫爲耆兒種痘大臣幼子仰荷

天慈高厚至此卽史書紀載中亦爲罕觀同上

摘句 歸雲不礙樹淺水亦涵星

晚風鄰圃樹明月一家天

雲影白無畛浪花飛上天洞庭大雪余曾身歷此境

閒雲能讓月遠漢自橫秋

黑風飲馬人呼井野宿必求井白雪填車夜裏

羶人宿車上曰野營

風光暖送還家路冰雪天培有用身

北固山高帆盡下大江風定月初圓

釵影半橫人倦後衣香又到晚涼時

夜來香

一片黃雲千載淚秋風吹上李陵臺

胡鳴玉

字廷佩號吟鷗江南青浦人貢生

訂譌雜錄胡鳴玉撰乾隆丙辰薦舉博學鴻詞是  
編皆考訂聲音文字之譌但引古書互相參證不  
欲多生新意自見所長所以言皆有據所得反較

諸家爲多

提要四庫

摘句 隔林雨霽鳩呼婦近戶風輕燕引雛

王藻

字載陽號梅泚江南吳江人有鶯脰湖莊集

載陽販米爲業偶題桃源圖沈綸翁四處揄揚遂

棄業讀書吳荆山宗伯薦舉博學鴻詞

隨園詩話

雍正壬子清明載揚邀輦轂諸名公集怡園賦七

言古詩追和宋蘇子瞻明楊孟載兩先生作

詞科掌錄

摘句相看何物同塵世只有秦時月在天

題桃源圖

但憑彩筆記重三欣論新詩誰第一

集怡園

百首淋浪長慶體一生慚愧義熙民

梅村集

鳴鞭側帽衝齊魯身帶河聲嶽色還

勞孝輿

字阮齋號巨峰廣東南海人貢生官知縣有阮齋詩文鈔

孝輿受知學使惠士奇與何夢瑤羅天尺蘇珥齊名世稱惠門四君子舉博學宏詞

召試未用旋出爲黔宰措置八堡屯田卒於官著有春秋

詩話讀杜識餘

廣東通志

標題

蛛網歎

五古

蟲魚

七古

摘句

周旋寧作我少壯不如人

文心鸚鵡舌詩價鴈鵠聲

程廷祚

字緜莊號青溪江南上元人諸生有岫雲閣詩鈔

春秋識小錄程廷祚撰凡春秋職官考略三卷春

秋地名辨異三卷左傳人名辨異三卷

提要四庫

緜莊嘗曰墨守宋學已非墨守漢學尤非孟子不

云君子深造之以道欲其自得之乎

小倉山房文集

廷祚原名默安徽巡撫膠州王公所薦

詞科掌錄

近世如戴東原其才本超越流俗而其爲論之僻

則過有甚於流俗者緜莊所見有似東原

惜抱軒文集

緜莊以經學名其治易乃專主義理而力排象數

余則謂治易當以象爲先如以理而已則卦爻中  
曷爲多方設象且言狐言鬼而狐何以言三狐鬼  
何以言一車乎蓋理處於隱聖人設象以顯之理  
處於虛聖人設象以實之虛者實之卽祭祀爲尸  
之意也隱者顯之卽鑄鼎象物之意也故曰易者  
象也象也者像也使衆人觀象玩辭而理見焉此  
牖民覺世之苦心也

松心  
日錄

摘句 秋風弔古無螢火夜月思君剩玉鉤

廣陵懷古

誰知立馬吳山客不惜千金買諫書

武林懷古

戲罷頗聞知記憶書來漸解問平安

憶幼女

邊連寶

字趙珍直隸任邱人貢生有隨園草

直隸總督彭城李公所薦研辨經史篤學不倦北

方學者未能或之先也

詞科掌錄

君與河間戈濤友善濤嘗爲君撰生傳爲時傳誦

濤死君惟與兄竹岩唱酬有南游壩篋集

忠雅堂集

摘句羣儒勸言命此亦難究擬命或隨所遭不

必盡經紀蠕蠕草間蟲營營樹下蟻土蟄

得考終雞豚獲凶死苟預定其然造物亦

勞矣

蠕蠕草間蟲營營樹下蟻問彼胡由然彼亦昧所以旣在天地間勢自不能已蠕蠕復營營竭蹶以待死

人生一世閒但求有可娛苟其無可娛可不有此軀

### 朱稻孫

字稼翁號娛邨浙江秀水人貢生有六峰閣稿

徵君曾試詞科一入經局名重菰林

梅里詩輯

稼翁少孤其祖撫之漁洋題小長蘆卷所謂桐孫稻孫者是也游揚州爲盧雅雨運使上客出其祖



所撰經義考後半未刻者雅雨爲刻其全其後開  
四庫館得以全帙獻

上題詩冠首由是流傳海內可謂能守先澤者矣

湖海詩傳

摘句 人當欲別終難別曲記無愁果有愁

桃葉滿江猶可渡梨花如雪不開門

日暮晴雲趁風去隔江時露六朝山

馬曰琯

字秋玉號嶰谷江南江都人有沙河逸老集

生平勤學好客酷愛典籍有未見書必重價購之  
世人願見之書如經義考之類不惜千百金付梓

以故叢樓所藏書畫碑版甲于江北

淮海英靈集

摘句 早荷爭水出晚筍上階生

燕子來時春水碧

馬曰璐

字佩兮號半樑江南江都人有南齋集

藏書甲於大江南北詩筆清削

詞科掌錄

半槎兄弟不求時名親賢樂善惟恐不及

道古堂集

摘句 雲涼花氣薄天淨鳥行閒

紅影倒溪流不去始知春水戀桃花

張庚

字瓜田號浦山浙江秀水人有強恕齋詩鈔

浦山古調自鳴秀水萬光泰有詩送之云山人好

詠詩作古不作律

詞科餘話

浦山工於山水世多以翰墨稱之不知學問淹博

如通鑑綱目釋記糾繆補註極爲精審

湖海詩傳

浦山撰

國朝畫徵錄頗資攷證足與朱謀聖畫史會要張丑

清河書畫舫諸書並傳

松軒隨筆

摘句 一雨百泉鳴高秋衆山靜地僻無澆風居

人葆真性

枯淡雖云是本色神味須知備衆美

倪雲林畫

國朝詩人徵略卷二十八

番禺張維屏子樹輯

全祖望

字紹衣號謝山浙江鄞縣人乾隆元年進士官翰  
林院庶吉士有鮎埼亭集

先生十四歲補博士弟子十六歲應鄉試以古文  
謁查初白初白謂萬九沙曰此劉原父之儔也十  
九歲登天一閣借書初入京上書方靈臯先生論  
喪禮或問靈臯大異之二十八歲舉北京鄉試臨  
川李穆堂見先生行卷曰此深寧東發以後一人

也招之同寓三十歲續娶曹孺人於京師長安米  
貴以行篋書二萬卷質於仁和黃監倉有春明行  
篋當書記三十一歲居京師詞科應召二百餘人  
多與先生通編紵先生因得盡其人之文章學術  
乃彙爲詞科摭言一書廣采同譜諸公所著入之  
會先生放歸未卒業三十二歲成進士入庶常館  
與臨川先生共借永樂大典讀之三十三歲散館  
左遷外補九月南歸三十四歲重登天一閣搜括  
金石編爲天一閣碑目冬丁太公艱三十五歲冬  
接丁蔣太夫人艱三十七歲秋至白下歲暮歸經

揚州止宿馬氏齋經堂成困學紀聞三箋四十一  
歲續選甬上耆舊詩四十二歲修南雷黃氏宋儒  
學案四十四歲主蕺山講席四十五歲校水經注  
杜守仍請主蕺山先生固辭蓋主人微失禮也四  
十六歲仍校水經注四十八歲東粵制府以端溪  
書院山長相邀遂度嶺至端溪水經注蓋已七校  
矣四十九歲自粵歸家養疴猶以水經注未卒業  
時時檢閱五十一歲手定文稿刪其十七得五十  
卷六月臥榻不復出戶呼純至榻前命檢所著述  
總爲一大麓顧純曰好藏之而所鈔文集五十卷

命移交維揚馬氏叢書樓七月卒

董秉純所撰年譜

全祖望撰詞科擬進帖子援據精核爲召試諸公

所不能及時全已官庶常不與試

詞科餘話

經學史才詞科三者得一足以傳而鄞縣全謝山

先生兼之先生經史問答實足以繼古賢啓後學

與顧亭林日知錄相埒

寧經室集

謝山先生博洽淹通勤於蒐討鄉邦文獻尤所究

心鮎埼亭文集中每紀述忠臣義士以及名卿碩

儒其行文頓挫激昂自有一種不可磨滅不可遏

抑之氣而其間或敘次過繁或稱揚逾量亦間



之然先生之意欲存其人之性情面目故縱筆所  
如寧詳毋略統觀所撰謂之史才復何愧焉所著  
經史問答及困學紀聞三箋七校水經注皆足見  
先生汲古之深而余所服膺尤在文集

聽松廬  
文鈔

太倉陸桴亭先生

世儀

論白沙之學實獲我心其

言曰世多以白沙爲禪宗非也白沙曾點之流其  
意主於灑脫曠閒以爲受用其先本以居敬爲主  
詩曰吾道有宗主千秋朱紫陽說敬不離口示我  
入德方後來自成一家始以自然爲宗其所謂自  
然者誠也稍有一毫之不誠則粉飾造作便非自

然而或者以率略放達爲自然非也桴亭著有思辨錄謝山先生爲作傳載其論明儒之語甚詳余愛其論白沙爲能真知白沙因撮錄之

松心  
甘錄

摘句 一行作吏少佳趣十年讀書多古歡

寸長尺短誰相諒北馬南轅我弗任  
自分不求五鼎食何妨平揖大將軍  
秫未成醪身早去先幾何待督郵來

秦蕙田

字樹峰江南無錫人乾隆元年

賜進士第三人官至刑部尙書諡文恭有味經窩類稿

五禮通考秦蕙田撰是書因徐乾學讀禮通考  
詳喪葬一門而周官大宗伯所列五禮之目古經  
散亡鮮能尋端竟委乃因徐氏體例網羅衆說以  
成一書凡爲類七十有五以樂律附於吉禮宗廟  
制度之後以天文推步句股割圓立觀象授時一  
題統之以古今州國都邑山川地名立體國經野  
一題統之竝載入嘉禮

四庫提要

文恭尊甫維生先生頌繫日久文恭旣入翰林卽  
請以官贖父罪蒙

恩得釋故時與桐城方公宜田稱二孝蓋以宜田每于秋

日省其父于塞外成所故也生平覃心經術尤熟  
禮經爲五禮通考二百餘卷彙自來諸儒聚訟之  
說爲之疏通解駁又附以歷朝史志使後來者折  
衷損益可以坐言而起行其有功于經義良不尠  
也文恭博學多聞窮經之外凡河渠律歷下至醫  
方術數靡不通晰故梁文莊公云樹峰如鷹隼橫  
空飛而食肉又口若懸河辨才無碍其爲同曹畏

服如此

湖海詩傳

摘句

好鳥亦知靜孤雲時就閒

帆影懸殘照漁歌入暮烟

鄭變

字克柔號板橋江南興化人乾隆元年進士官知縣有板橋詩鈔

板橋以歲飢爲民請賑忤大吏罷歸工畫蘭竹書法以隸楷行三體相參古秀獨絕性疎宕嘗置一囊銀錢果食之類皆貯于內遇故人子或鄉鄰之貧者隨所取而贈之作詩不拘體格興至則成頗

近香山放翁

淮海英靈集

板橋幼失恃賴乳母費教養得成進士初歲飢費負大令人市以一錢易一餅置其手始治他事數

年費益不支其夫謀去費不敢言常帶泣容汲水

盈甕置薪數日而去大令人室見竈猶有飯一盞

菜一盂未幾復來其子俊已得提塘官屢迎養不

去大令詩云平生所負恩不獨一乳母又云食祿

千萬鍾不如餅在手讀之令人流涕

珠湖草堂筆記

板橋大令有三絕曰畫曰詩曰書三絕之中有三

真曰真氣曰真意曰真趣

松軒隨筆

板橋詩云四十科名五十旃旌妻孥綺縠童僕鼎

羹何功何德以安以榮其家書又云凡人于文章

學問輒自謂己長科名唾手而得不知俱是徼倖

設我至今不第又何處叫屈來余謂世人藉幾篇  
時文弋取科第一且身爲民上安富尊榮時誦板  
橋此言庶幾不忘本來面目稍免罪戾

聽松廬詩話

板橋先生疎曠灑脫然見地極高天性極厚其生  
平詞勝於詩弔古攄懷激昂慷慨與集中家書數

篇皆世間不可磨滅文字余嘗謂蔣心餘鄭板橋

之詞皆詞中之大文不得以小技目之

松軒隨筆

標題

海陵劉烈婦歌

七古

七歌

七古

骨董

五古

孤兒行

長短句

貧士

五古

摘句

天地不能言聖賢爲嚙喉

官差分所應吏擾竟何極最畏硃標籤請

君慎點筆

凡百有司敬而聽之

五更上馬披風露曉月隨人出樹林  
荆妻拭硯磨新墨弱女持牋索楷書  
滿階蕉葉兼梧葉一夜風聲似雨聲  
山茗未賒將菊代學錢無措喚兒回  
秋風白粉新泥壁細貼羣賢斷句詩

金德瑛

字汝白號檜門浙江仁和人乾隆元年

賜進士第一人官左都御史有檜門詩存



性樂山水使節經過勝區必登覽吟嘯忠雅堂文集

汝白讀書精細通鑑點勘皆徧詞科掌錄

總憲督學江西拔蔣君心餘于諸生中湖海詩傳

摘句 一葉下懸流後仰前若俯頃刻失盤渦回

顧渺何許

五更枕上無全夢一夕涼生乍授衣秋早點名

蔡新

字次明號葛山福建漳浦人乾隆元年進士官至大學士加太子太師諡文恭有緝齋詩文集

公直

尚書房四十年其培養啓迪於根本之地者深且久  
諸皇子孫曾對公之容莫不肅然藹然敬信悅服公

亦知無不言而純樸和易使人之意融

朱文正公文集

相國葛山蔡公端和恭謹蓋得於叔父文勤公之  
教者爲多公致仕家居遇巡檢典史亦執禮甚恭  
或問之公曰欲使鄉民知位至宰相亦必敬父母  
官知父母官當敬庶幾常存不敢之心而犯法者  
或鮮耳公孫壻潘際時茂才嘗述之卽此一端可  
想見公平日行己之恭不愧相臣之度矣

松心日錄

摘句 冠佩殷元子山河宋上公

微子墓

語喧知市近石出覺船低

澗水歸河先入洛函關自漢遠通秦

月欲上弦頻顧兔星傳渡渚笑牽牛

空有交情勞肺腑曾無與共愧裘車

曾隨大將供行膳爲伴幽人出草廬

諸葛菜

### 萬光泰

字循初號柘坡浙江秀水人乾隆元年舉人有柘

### 坡居士集

光泰才思富瞻篇什頗多

提要四庫

循初少年有高才罷後客津門查氏著轉注緒言

二卷漢音存正二卷遂初堂類音辨一卷詞科掌錄

循初卓然獨絕者周髀之學上自注疏旁及諸史

以至明之三歷阿龐喝利布算了了何其神也梁

少師薌林續修通考延循初以董其事鮎埼亭集

標題 橋亭卜卦硯歌七古

摘句 渚鳥多雪衣汀花肖人面

秋聲葉上來寒色沙際寫

羅天尺

字履先號石湖廣東順德人乾隆元年舉人有癭

暈山房集

天尺長於詩惠天牧按試廣東拔之手錄其詞賦  
以示諸生聲望蔚起薦鴻博以母老不就杜門著  
述有五山志林

廣東通志

標題

晚成堂歌

七古

黃古青訪予論詩因成長

歌

七古

靖南王故第白石獅歌

七古

摘句

雪沉衡岳白天接洞庭青

馬磨當戶樹犬吠看碑人

西京文字開秦吏南粵江山入漢書

酒債却緣多病少春愁難共落花埋

劍葉寫成香國草笛聲吹出柳條春

德保

字潤亭號定圃滿洲人乾隆二年進士官至禮部  
尚書諡文莊有樂賢堂詩文鈔

德保與其從兄觀保並以乾隆丁巳進士入翰林  
又均以文章受

知遇屢典貢舉爲詞林耆舊迄今館閣舊臣尙多二人門

下士云

八旗通志

摘句 馬頭殘葉墮鵝背夕陽畱

往事疑前劫新歸若更生

風雨聞酣戰松楸捲大旗

周將軍廟

荷鋤逢父老駐馬問鄉名

拂面雲來峰勢合落花風定馬蹄香  
流水聲中縈客夢亂雲堆處透斜陽  
煮茶野店試新汲叱犢隔林聞曉耕  
千古名傳匡處士幾人詩竝李青蓮  
但使閭閻歌父母不妨琴鶴笑酸寒

### 鍾獅

字作韶號鐵橋廣東番禺人乾隆二年進士官知縣

番禺鍾獅廣東巡撫昆明楊公所薦

詞科掌錄

搞句 壁夾千峰翠舟通一線天

瀘陽峽

嬉酣春事人咸集斟酌煙光鳥亦俱

周 煌

字海山四川涪州人乾隆二年進士官至兵部尙書贈太子太傅諡文恭

漢司馬長卿以本省人奉命檄諭蜀中父老

本朝大司馬周文恭公亦兩次奉

命至蜀審案真佳話也再至成都詩有云鄉路遠分江內

外儂家原近瀼東西詩意亦頗自負

雨村詩話

乾隆二十一年周大司馬同侍讀全穆齋魁奉



命冊封琉球舟至姑米山颶風大作舟中皆呼孃媽須與  
見一燈自遠而至皆歡呼曰天后救至矣海中有  
詩云疾痛尋常呼父母一時回首籲天如同上  
摘句 鐵沙排雁齒銀礫促鼉聲  
蠻花匝地紅於錦海浪兼天白似銀

錢琦

字相人號璵沙浙江仁和人乾隆二年進士官布  
政使有澄碧齋詩鈔

公常言平生自勉者惟虛心實力四字

小倉山房文集

公文名振天下而性尤好爲詩

朱梅崖文集

摘句 歸禽覓樹盤空野流水浮花出小橋

天肯與閒兼與健座忘誰主復誰賓

齒會詩

官辭五斗陶元亮詩寫三生杜牧之

訪袁簡齋

壺中日轉前丁未冊上名存舊秀才

重遊泮宮

詩牽和